

唐李義山詩集



地山出國，以此贈行。

振筆



十二月十五日

李義山詩

集



四部叢刊集部

上海涵芬樓借江
安傅氏雙鑑樓藏
明嘉靖刊本景印
原書版匡高營造
尺六寸寬四寸

唐李義山詩集卷之一

大學博士李商隱 義山



五言古詩

戊辰會靜中出貽同志二十韻

大道諒無外會越自登真丹元子何索在已莫問鄰
精璨玉琳華翔翔九真君戲擲萬里火聊召六甲旬
瑤簡被靈誥持府開七門金鈴攝群魔絳節何兢兢
吟弄東海若倚笑扶桑春三山誠迴視九州揚一塵
我本玄元胃稟華由上津中迷鬼道樂沉為下土民
託質屬太陰鍊形復為人誓將覆官澤安此真與神

龜山有慰薦南真爲彌綸玉管會玄圃火棗承天姻
科車過故氣侍香傳靈芬飄颻被青霓婀娜佩紫紋
林洞何其微下僊不與羣丹泥因未控萬劫猶逡巡
荆蕪旣以薙丹壑永無因相期保妙命騰景侍帝宸

和鄭愚贈汝陽王孫家箏妓二十韻

水霧怨何窮秦絲嬌未已寒空烟霞高白日一萬里
碧嶂愁不行濃翠遙相倚茜袖捧瓊姿皎日丹霞起
孤猿耿幽寂西風吹白芷廻首蒼梧深女蘿閉山鬼
荒郊白鱗斷別浦晴霞委長約壓河心白道連地尾
秦人昔富家綠窓聞妙旨鴻驚雁背飛象林殊故里

因令五十絲中道分宮徵斗粟配新聲娣姪徒纖指
風流大堤上悵望白門裏蠹粉實雌絃燈光冷如水
羌管促蠻柱從醉吳宮耳滿內不掃眉君王對西子
初花慄朝露冷臂妻愁隨一曲送連錢遠別長於死
玉砌銜紅蘭粧窓結碧綺九門十二關清晨禁桃李

驕兒詩

袞師我驕兒美秀乃無匹文葆未周睟固已知六七
四歲知姓名眼不視梨栗交朋頗窺觀謂是丹穴物
前朝尚器貌流品方第一不然神仙姿不爾燕鶴骨
安得此相謂欲慰衰朽質青春研和月朋戲渾甥姪

繞堂復穿林，沸石金鼎溢。門有長者來，造次請先出。
客前問所須，含意不吐實。歸來學客面，闔敗乘翁笏。
或謔張飛胡，或笑鄧艾吃。豪鷹毛翮化力劣良直猛反。
馬氣佶僂離直反。截得青篔千君反。當騎走恣，唐突忽復。
學參軍，按聲喚蒼鶻。又復紗燈旁，稽首禮佛仰。鞭
脊蛛網俯首飲，花蜜欲爭蚊蝶輕。未謝柳絮疾階前，
逢阿姊六甲頗輸失。凝走弄香奩，拔脫金屈戌。抱持
多反，倒威怒不可律。曲躬牽窻網，絡唾拭琴漆。有時
看臨書，挺立不動膝。古錦請裁衣，玉軸亦欲乞。請翁
書春勝，春勝宜春日。芭蕉斜卷牋，辛夷低過筆。翁昔

好讀書，懇苦自著述。顛顛欲四十，無肉畏蚤虱。兒慎
勿學爺，讀書求甲乙。穰苴司馬法，張良黃石術。便爲
帝王師，不假更纖悉。况今西與北，羗戎正狂悖。誅赦
兩未成，將養如探疾。兒當速成大痼，鷓入虎窟當爲
萬戶侯，勿守一經袞。

行次西郊作一百韻

蛇年建午月，我自梁還秦。南下大散嶺，北濟渭之濱。
草木半舒坼，不類水霜晨。又若夏苦熱，焦卷無芳津。
高田長檨，壓下田長荆。榛農具弃道旁，饑牛死空墩。
依依過村落，十室無一存。存者皆面啼，無衣可迎賓。

始若畏人問及門還具陳右輔田疇薄斯民嘗苦貧
伊昔稱樂土所賴牧伯仁官清若冰玉吏善如六親
生兒不遠征生女事四隣濁酒盈瓦缶爛穀堆荆困
健兒疵旁婦衰翁舐童孫况自貞觀後命官多儒臣
例以賢牧伯徵入司陶鈞降及開元中姦邪撓經綸
晉公忌此事多錄邊將勲因令猛毅輩雜牧昇平民
中原遂多故除授非至尊或出倖臣輩或由帝戚恩
中原因屠解奴隸厭肥豚皇子弃不乳椒房抱羗渾
重賜竭中國強兵臨北邊控弦二十萬長臂皆如猿
皇都三千里來往同彫蕪五里一換馬十里一開筵

指顧動白日煖熱迴蒼旻公卿辱嘲叱唾弃如糞丸
大朝會萬方天子正臨軒綵旂轉初旭玉座當祥烟
金障既特設珠簾亦高褰捋須褰不顧坐在御榻前
忤者死艱屨附之昇頂顛華侈矜遽銜豪俊相併吞
因失生惠養漸見徵求頻奚寇西北來揮霍如天翻
是時正忘戰重兵多在邊列城遠長河平明插旗幡
但聞虜騎入不見漢兵屯大婦抱兒哭小婦攀車輻
生小太平年不識夜閉門少壯盡點行疲老守空村
生分作死誓揮淚連秋雲廷臣例虜怯諸將如羸奔
為賊掃上陽捉人送潼關玉輦望南斗未知何日旋

誠知開闢久邁此雲雷屯送者問鼎大存者要高官
搶攘牙間謀孰辨梟與鸞千馬無返轡萬車無還轆
城空雀鼠死人去豺狼喧南資竭吳越西費失河源
因今右藏庫摧毀惟空垣如人當一身有左無右邊
筋體半痿痺肘腋生臊臙列聖蒙此耻含懷不能宣
謀臣拱手立相戒無敢先萬國困朽軸內庫無金錢
健兒立霜雪腹歎衣裳單饋餉多過時高估銅與鉛
山東望河北爨烟猶相聯朝廷不假給辛苦無半年
行人權行資居者稅屋椽中間遂作梗狼籍用戈鋌
臨門送節制以錫通天斑破者以族滅存者尚遷延

禮數異君父羈縻如羗零直求輸赤城所望大體全
巍巍政事堂宰相厭八珍敢問下執事今誰掌其權
瘡疽幾十載不敢扶其根國威賦更重人稀役彌繁
近年牛醫兒城社更板緣盲目把大旆處此京西藩
樂禍忘怨敵樹黨多狂狷生爲人所憚死非人所憐
快刀斷其頭列若猪牛懸鳳翔三百里兵馬如黃巾
夜半軍牒來屯兵萬五千鄉里駭供億老少相板牽
兒孫生未孩弃之無慘顏不復議所適但欲死山間
爾來又三歲甘澤不及春盜賊亭午起問誰多窮民
節使殺亭吏捕之恐無因咫尺不相見旱久多黃塵

官徒腰佩弓自言爲官巡常恐值荒迫此輩還射人
媿客問本末願客無因循郿塢抵陳倉此地忌黃昏
我聽此言罷冤憤如相焚昔聞舉一會群盜爲之奔
又聞理與亂繫人不繫天我願爲此事君前剖心肝
叩額出鮮血滂沱污紫宸九重黯已隔涕泗空沾唇
使典作尚書廝養爲將軍慎勿道此言此言未忍聞

井泥四十韻

皇都依仁里西北有高齋昨日主人氏治井堂西陞
工人三五輩輦出土與泥到水不數尺積共庭樹齊
他日井甃畢用土益作堤曲隨林掩映綠以池周迴

下去冥冥穴上承雨露滋寄辭別地脉因言謝泉扉
昇騰不自意疇昔忽已乖伊余掉行鞅行行來自西
一日下馬到此時芳草萋四面多好樹旦暮雲霞姿
晚落花滿地幽鳥鳴何枝蘿幄旣已薦山樽亦可開
待得孤月上如與佳人來因之感物理惻愴平生懷
茫茫此羣品不定輪與蹄喜得舜可禪不以瞽瞍疑
禹竟代舜立其父吁咈哉羸氏并六合所來因不韋
漢祖把左契自言一布衣當途佩國璽本乃黃門携
長戟亂中原何妨起戎氏不獨帝王耳臣下亦如斯
伊尹佐興王不籍漢父資磻溪老釣叟坐爲周之師

屠狗與販繒突起定傾危長沙啓封土豈是出程姬
帝問主人翁有自賈珠兒武昌昔男子老苦爲人妻
蜀王有遺魄今在林中啼淮南雞舐藥翻向雲中飛
大鈞運羣有難以一理推願於冥冥內爲問秉者誰
我恐更萬世此事愈云爲猛虎與雙翅更以角副之
鳳凰不五色聯翼上雜栖我欲秉鈞者竭來與我偕
浮雲不相顧寥泝誰爲梯悒快夜叅半但歌井中泥

戲題樞言草閣三十二韻

君家在河北我家在山西百歲本無業陰陰仙李枝
尚書文與武戰罷幕府開君從渭南至我自仙游來

平昔苦南北動成雲雨乖逮今兩携手對若床下鞋
夜歸碣石館朝上黃金臺我有苦寒調君抱陽春才
年頗各少壯髮綠齒尚齊我雖不能飲君時醉如泥
政靜籌畫簡邊食多相携掃掠走馬路整頓射雉翳
春風二三月柳密鶯正啼清河在門外上與浮雲齊
欵冠調玉琴彈作松風哀又彈明君怨一去怨不迴
感激坐者泣起視雁行低翻憂龍山雷却雜胡沙飛
仲容銅琵琶頃直聲凄凄上貼金捍撥盡爲承露雞
君時臥棖觸勸客白玉杯苦云年光疾不飲將安歸
我賞此言是因循未能諧君言中聖人坐臥莫我違

榆莢亂不整楊花飛相隨上有白日照下有東風吹
青樓有美人顏色始玫瑰歌聲入青雲所痛無良媒
少年苦不久顧慕良難哉徒令真珠腔裏入珊瑚腮
君今且少安聽我苦吟詩古詩何人作老大猶傷悲

李肱所遺畫松詩書兩紙得四十韻

萬草已涼露開圖披古松青山徧蒼海此樹生何峯
孤根邈無倚直立撐鴻濛端如君子身挺若壯士曾
樛枝勢天矯忽欲蟠空又如驚螭走默與奔雲逢
孫枝擢細葉旖旎狐裘茸鄙顛蓍髮軟麗姬眉黛濃
視久眩目睛倏忽變輝容竦削正稠直婀娜旋敷峯

只如洞房冷翠被張穹籠亦若暨羅女平旦粧顏容
細疑襲氣毋猛若爭神功燕雀固寂寂霧露常衝衝
重蘭媿傷暮碧竹慙空中可集呈瑞鳳堪藏行雨龍
淮山桂偃蹇蜀郡桑重童枝脩亮眇脆靈氣何由同
昔聞咸陽帝近說嵇山儂或者佳人號或以大夫封
終南與清都烟雨遙相通安知夜夜意不起西南風
美人昔清與重之由月鍾寶笥十八九香緹千萬重
一旦鬼瞰室稠疊張纍罽赤羽中要害是非皆怱怱
生如碧海月死踐霜郊蓬平生握中玩散失隨奴僮
我聞照妖鏡及與神劍鋒寓身會有地不爲凡物蒙

伊人秉茲圖顧眄擇所從而我何爲者開懷捧靈蹤
報以漆鳴琴懸之真珠櫳是時方暑夏座內若嚴冬
憶昔謝駟騎學仙王陽東千株盡若此路入瓊瑤宮
口誅玄雲歌手把金芙蓉濃藹深霓袖色映琅玕中
悲哉墮世網去之若遺弓形魄天壇上海日高瞳瞳
終期紫鸞歸持寄扶桑翁

宮中曲

雲母瀟宮月夜夜白於水賺得羊東來低扇遮黃子
水精不覺冷自刻鴛鴦翅蚕縷茜香濃正朝纏左臂
巴牋兩三幅滿寫承恩字欲得識青天昨夜蒼龍是
應防啼與笑微露淺深情

代越公房妓嘲徐公主

笑啼俱不敢幾欲是吞聲遽遣離琴怨都由半鏡明
芳條得意紅飄落忽西東分逐春風去風迴得故叢
明朝金井露始看憶春風

代貴公主

房中曲

薔薇泣幽素翠帶花錢小嬌郎癡若雲抱日西簾曉
枕是龍宮石割得秋波色玉簫失柔膚但見蒙羅碧
憶得前年春未語悲含辛歸來已不見錦瑟長於人

今日澗底松明日山頭葉愁到天池翻相看不相識
效長吉

長長漢殿眉窄窄楚宮衣鏡好鸞空舞簾踈燕誤飛
君王不可問昨夜約黃歸

無題二首

八歲偷照鏡長眉已能畫十歲去踏青芙蓉作裙衩
十二學彈箏銀甲不曾卸十四藏六親懸知猶未嫁
十五泣春風背面一作鞦韆下

其二


幽人不倦賞秋暑貴招邀竹碧轉悵望池清尤寂寥

露花終裊濕風蝶強嬌
此地如攜手兼君不自聊

春風

春風雖自好春物太昌昌
若教春有意唯遣一枝芳
我意殊如一作春意先春已斷腸

唐李義山詩集卷之一



唐李義山詩集卷二

太學博士李商隱義山

七言古詩

韓碑

元和天子神武姿彼何人哉軒與義誓將上雪列聖
 耻坐法宮中朝四夷淮西有賊五十載封狼生貙貙
 生羆不據山河據平地長戈利刃日可麾帝得聖相
 相曰度晏子春秋仲尼聖相賊斫不死神扶持腰懸相印作都
 統陰風慘淡天王旗愬武古通作牙爪儀曹外郎載
 筆隨行軍司馬智且勇十四萬衆猶虎貔入蔡縛賊

獻太廟功無與讓恩不訾帝曰汝度功第一汝從事
愈宜爲辭愈拜稽首蹈且舞金石刻畫臣能爲古者
世稱大手筆此事不繫於職司當仁自古有不讓言
訖屢領天子願公退齋戒坐小閣濡染大筆何淋漓
點竄堯典舜典字塗改清廟生民詩文成破體書在
紙清晨再拜鋪丹墀表曰臣愈昧死上詠神聖功書
之碑碑高三丈字如手負以靈鼈蟠以螭句奇語重
喻者少讒之天子言其私長繩百尺拽碑倒瓮砂大
石相磨治公之斯文若元氣先時已入人肝脾湯盤
孔鼎有述作今無其器存其辭嗚呼聖皇及聖相相

與烜赫流淳熙公之斯文不示後曷與三五相攀追
願書萬本誦萬過口角流沫右手胝傳之七十有三
代以爲封禪玉檢明堂基

七月二十八日夜與王鄭二秀才聽雨後夢作
初夢龍宮寶焰燃瑞霞明麗滿晴天旋成醉倚蓬萊
樹有箇仙人拍我肩少頃遠聞吹細管聞聲不見隔
飛烟逡巡又過瀟湘雨雨打湘靈五十絃瞥見馮夷
殊悵望鮫綃休賣海爲田亦逢毛女無慄極龍伯擎
將華岳蓮恍惚無倪明又暗低迷不已斷還連覺來
正是平階雨未背寒燈枕手眠

代贈

楊柳路盡處芙蓉湖上頭雖同錦步障獨映鈿篋篋
鴛鴦可羨頭俱白飛去飛來煙雨秋

贈荷花

世間花葉不相倫花入金盆葉作塵惟有綠荷紅蕖
菡萏卷舒開合任天真此花此葉長相映翠減紅衰愁
殺人

無愁果有愁曲北齊歌

東有青龍西白虎中含福星包世度玉壺渭水笑清
潭鑿天不到牽牛處麒麟踏雲天馬獐牛山撼碎珊

瑚聲秋娥點滴不成淚十二玉樓無故釘推烟唾月
拋千里十番紅桐一行死白楊別屋鬼迷人空留暗
記如蚕紙日暮向風牽短絲血凝血散今誰是

射魚曲

思牢弩箭磨清石繡額蠻渠三虎力尋潮背日俟泗
鱗貝闕夜移鯨失色纖纖粉斝馨香餌綠鴨迴塘養
龍水含冰漢語遠於天何由迴作金盤死

日高

鍍環故錦縻輕拖一作玉笈不動便門鎖水精眠夢
是何人欄藥日高紅髮鬢飛香上雲春訴天雲梯十

二門九關輕身滅影何可望粉蛾帖死屏風上

海上謠

桂水寒於江玉兔秋冷咽海底覓仙人香桃如瘦骨
紫鸞不肯舞滿翅蓬山雪借得龍堂寬曉出揀雲髮
劉郎舊香炷立見茂陵樹雲孫帖帖卧秋烟上元細
字如蚕眠

景陽宮井雙桐

秋港菱花乾玉盤明月蝕血滲兩枯心情多去未得
徒經白門伴不見丹山客未待刻作人愁多有魂魄
誰將玉盤與不死翻相誤天更闊於江孫枝覓郎主

昔妬隣宮槐道類雙眉歛今日繁紅櫻拋人占長簾
翠襦不禁綻留淚啼天眼寒灰却盡問方知石羊不
去誰相絆

燕臺詩四首

風光冉冉東西陌幾日嬌魂尋不得蜜房羽客類芳
心冶葉倡條偏相識暖藹輝遲桃樹西高鬟立共桃
枝齊雄龍雌鳳杳何許絮亂絲繁天亦迷醉起微陽
若初曙映簾夢斷聞殘語愁將鐵網罥珊瑚海闊天
翻迷處所衣帶無情有寬窄春烟自碧秋霜白研丹
壁石天不知願得天牢鎖冤魄夾羅委篋單綃起香

眠冷襯瑤瑤珮今日東風自不勝化作幽光入西海

右春

前閣雨簾愁不卷後堂芳樹陰陰見石城景物類黃
泉夜半行郎空拓彈綾扇喚風闐闐天輕帷翠幕波
淵旋蜀魂寂寞有伴未幾夜瘴花開木絲桂宮流影
光難取媯薰蘭破輕輕語直教銀漢墮懷中未遣星
妃鎮來去濁水清波何異源濟河水清黃河渾安得
薄霧起細裙手接雲駟呼太君

右夏

月浪衡天天宇濕涼蟾落盡疎星入雲屏不動掩孤
頰西樓一夜風箏急欲織相思花寄遠終日相思却

相怨但聞北斗聲迴環不見長河水清淺金魚鏤斷
紅桂春古時塵滿鴛鴦茵堪悲小苑作長道玉樹未
憐亡國人理瑟悵悵藏楚弄越羅冷薄金泥重簾鉤
鸚鵡夜驚霜喚起南雲繞雲夢雙瑤丁丁聯尺素內
記湘川相識處歌唇一世銜雨看可惜馨香手中故

右秋

天東日出天西下雌鳳孤飛女龍寡青溪白石不相
望堂中遠甚蒼梧野凍壁霜華交隱起芳根中斷香
心死浪乘畫舸憶蟾蜍月娥未必嬋娟子楚管蠻絃
愁一槩空城罷舞腰支在當時歡向掌中銷桃葉桃

根雙姊妹破鬟矮墮凌朝寒白玉燕釵黃金蟬風車
雨馬不持去蠟燭啼紅怨天曙

右冬

河內詩二首

鼉鼓沉沉虬水咽秦絲不上蠻絃絕嫦娥衣薄不禁
寒蟾蜍夜艷秋河月碧城冷落空濛烟簾輕幕重金
鉤欄靈香不下兩皇子孤星直上相風竿八桂林邊
九芝草短襟小鬢相逢道入門暗數一千春願去閨
年留月小梔子交加香蓼繁停辛佇苦留待君

右一曲樓上

其二

閨門日下吳歌遠陂路綠菱香滿滿後溪暗起鯉魚
風船旗閃斷芙蓉幹傾身奉君畏身輕雙橈兩檣樽
酒清莫因風雨罷團扇此曲斷腸唯此聲低樓小徑
城南道猶自金鞍對芳草

右一曲湖中

偶成轉韻七十二句贈四同舍

浦國東風吹大澤蒲青柳碧春一色我來不見隆準
人瀝酒空餘廟中客征東同舍鴛與鸞酒酣勸我懸
征鞍藍山寶肆不可入玉中仍是青琅玕武威將軍
使中俠少年箭道驚楊葉戰功高後數文章怜我秋
齋夢蝴蝶詰旦元門傳奏章高車大馬來煌煌路逢

鄒枚不暇揖臘月大雪過大梁憶昔公爲會昌宰我
時入謂虛懷待衆中賞我賦高堂迴看屈宋由年輩
公事武皇爲鐵冠歷廳請我相所難我時顛顛在書
閣卧枕芸香春夜闌明年赴辟下昭桂東郊慟哭辭
兄弟韓公堆上跋馬時迴望秦川樹如薺依稀南指
陽臺雲鯉魚食釣猿失群湘妃廟下已春盡虞帝城
前初日曛謝游橋上澄江館下望山城如一彈鷓鴣
聲苦曉驚眠朱槿花嬌晚相伴頃之失職辭南風破
帆壞漿荆江中斬蛟破壁不無意平生自許非忽忽
歸來寂寞靈臺下著破藍衫出無馬天官補吏府中

趨玉骨瘦來無一把手封挫牢屯制囚直廳印鎖黃
昏愁平明赤帖使脩表上賀嫖姚收賊州舊山萬仞
青霞外望見扶桑出東海愛君憂國去未能白道青
松了然在此時聞有燕昭臺挺身東望心眼開且吟
王粲從軍樂不賦淵明歸去來彭門十萬皆雄勇首
戴公恩若山重廷評日下握靈蛇書記眠時吞綵鳳
之子夫君鄭與裴何甥謝舅當世才青袍白簡風流
極碧沼紅蓮傾倒開我生龕踈不足數梁父哀吟鴈
鶴舞橫行闊視倚公憐狂來筆力如牛弩借酒祝公
千萬年吾徒禮分常周旋收旗卧鼓相天子相門出

相光青史

燒香曲

鈿雲螭蟠牙比魚孔雀翅尾蛟龍鬚漳宮舊樣博山
鑪楚嬌捧笑開芙蓉八蚕繭絲小分炷獸燄微紅隔
雲母白天月澤寒未冰金虎合秋向東吐玉珮呵光
銅照昏簾波日暮衝斜門西來欲上茂陵樹栢梁已
失栽一作桃魂露庭月井大紅氣輕衫薄袖當君意
蜀殿瓊人伴夜深金鑿不問殘燈事何當巧吹君懷
度襟灰爲土填清露

安平公詩

故贈尚書韓氏

丈人博陵王名家怜我總角稱才華華州留語晚至
暮高聲喝吏放兩衙明朝騎馬出城外送我習業南
山阿仲子延岳年十六面如玉歌烏紗其弟炳章
猶兩卍瑤林瓊樹含竒花陳留阮家諸姓秀邈迤出
拜何駢羅府中從事杜與李麟角虎翅相過摩清詞
孤韻有歌響擊觸鍾磬鳴環珂三月石堤凍銷釋東
風開花滿陽坡時禽得伴戲新木其聲尖咽如鳴梭
公時載酒領從事踴躍鞍馬來相過仰看樓殿撮清
漢坐視世界如恒沙面熱脚掉互登陟青雲表柱白
雲崖一百八句在貝葉三十三天長雨花長者子來

輒獻蓋辟支佛去空留驛公時受詔鎮東魯遣我草
詔隨車牙顧我下筆即千字疑我讀書傾五車嗚呼
大賢若不壽時世方士無靈砂五月至止六月病遽
頽泰山驚逝波明年徒步吊京國宅破子毀哀如何
西風衝戶卷素帳矚光斜照舊燕窠古人常歎知己
少况我淪賤艱虞多如公之德世一二豈得無淚如
黃河瀝膽况願天有眼君子之澤方滂沱

唐李義山詩集卷之二

唐李義山詩集卷之二

太學博士李商隱義山

五言古詩

石城

石城誇窈窕花縣更風流
簾冰去聲將飄枕簾烘不隱
鉤玉童收夜鑰金狄守更籌
共笑鴛鴦綺鴛鴦兩白頭

頭

風雨

淒涼寶劍篇羈泊欲窮年
黃葉仍風雨青樓自管絃
新知遭薄俗舊好隔良緣
心斷新豐酒銷愁斗幾千

離思

氣盡前溪舞心酸子夜歌峽雲尋不得溝水欲如何
朔鴈傳書絕湘篁染淚多無由一作見顏色還自託
微波

寄羅劭興

棠棣黃花發忘憂碧葉齊人閑微病酒鷺重遠嫌泥
混沌何由鑿青冥未有梯高陽舊徒侶時復一相携
令狐舍人說昨夜西掖翫月因戲贈

昨夜玉輪明傳聞近太清涼波衝碧瓦曉暈落金莖
露索秦宮井風絃漢殿箏幾時縣竹頌擬薦子虛名

崔處士

真人塞其內夫子入於機未肯投竿起唯歡負米歸
雪中東郭履堂上老萊衣讀徧先賢傳如君事者稀
自喜

自喜蝸牛舍兼容鷺子巢綠筠遺粉籜紅藥綻香苞
虎過遙知穿魚來且佐庖慢行成酪酏鄰壁有松醪
異俗二首時從事嶺南

鬼瘡朝朝避春寒夜夜添未驚雷破柱不報水齊簷
虎箭侵膚毒魚鉤刺骨銛鳥言成謀詐多是恨形襜

其二

戶盡懸秦網家多事越巫未曾容獺祭只是縱猪都
點對連鰲餌搜求縛虎符賈生兼事鬼不信有洪爐

歸墅

行李踰南極旬時到舊鄉楚芝應徧紫鄧橘未全黃
渠濁村春急旗高社酒香故山歸夢喜先入讀書堂

楚澤

夕陽歸路後霜野物聲乾集鳥翻漁艇殘虹拂馬鞍
劉楨元抱病虞寄數辭官白袷經年卷西來又早寒

蟬

本以高難飽徒勞恨費聲五更踈欲斷一樹碧無情

薄宦梗猶泛故園蕪已平煩君最相警我亦舉家清

江亭散席循柳路吟

歸官

春詠敢輕裁銜辭入半盃已遭江映柳更被雪藏梅
寡和真徒爾般憂動即來從詩得何報唯看二毛催

哭劉司石二首

離居星歲易失望死生分酒甕凝餘桂書籤冷舊芸
江風吹雁急山木帶蟬暉一叫千迴首天高不爲聞

其二

有美扶皇運無誰薦直言已爲秦逐客復作楚冤冤
湓浦應分派荆江有會源併將添恨淚一灑問乾坤

街西池館

白閣他年別朱門
此夜過疎簾
留月魄
珍簾接煙波
太守三刀夢
將軍一箭歌
國租容客旅
香熟玉山禾

鄠杜馬上念漢書

一云五陵懷古

世上蒼龍種
人間武帝孫
小來唯射獵
興罷得乾坤
渭水天開苑
咸陽地獻原
英靈殊未已
丁傳漸華軒

柳

動春何限葉
撼曉幾多枝
解有相思否
應無不舞時
絮飛藏皓蝶
帶弱露黃鸝
傾國宜通體
誰來獨賞眉
聞著明凶問
哭寄飛卿

昔歎讒銷骨
今傷淚滿膺
空餘雙玉劍
無復一壺冰
江勢翻銀礫

一作漢

天文露玉繩
何因攜庾信
同去哭

徐陵

桂林

城窄山將壓
江寬地共浮
東南通絕域
西北有高樓
神護青楓岸
龍移白石湫
殊鄉竟何禱
簫鼓不曾休

陳後宮

茂苑城如畫
闔門瓦欲流
還依水光殿
更起月華樓
侵夜鸞開鏡
迎冬雉獻裘
從臣皆半

一作

醉天子正

無愁

屬疾

許靖猶羈宦安仁復悼亡
茲辰聊屬疾何日免殊方
秋蝶無端麗寒花更不香
多情真命薄容易即迴腸

明日

天上參旗過人間燭焰銷
誰言整雙履便是隔三橋
知處黃金鑲曾來碧綺寮
凭欄明日意池閣雨蕭蕭

西溪

近郭西溪好誰堪共酒壺
苦吟防柳暉多淚怯楊朱
野鶴隨君子寒松揖大夫
天涯長病意岑寂勝歡娛

贈柳

章臺從掩映郢路更參差
見說風流極來當婀娜時
橋回行欲斷堤遠更相隨
忍放花如雪青樓撲酒旗

謔柳

已帶黃金縷仍飛白玉花
長時須拂馬密處少藏鴉
眉細從他歛腰輕莫自斜
玳梁誰道好偏擬映盧家

北禽

爲戀巴江暖無辭瘴霧蒸
縱能朝杜宇可得值蒼鷹
石小虛填海蘆鉅未破矰
知來有乾鵲何不向彫陵

槿花二首

鶯體傷風力雞香積露文
殷鮮一相雜啼笑兩難分

月裏寧無娣雲中亦有君三清與僊島何事亦離群
其二

珠館薰燃久玉房梳掃餘燒蘭才作燭裳錦不成書
本以亭亭遠翻嫌脉脉踈迴頭問殘照殘照更空虛

蝶

葉葉復翻翻斜橋對側門蘆花唯有白柳絮可能溫
西子尋遺殿昭君覓故村年年芳物盡來別敗蘭蓀

蠅蝶雜麝鸞鳳等成篇

韓蝶翻羅幕曹蠅拂綺窓鬪雞迴玉勒融麝暖金缸
玳瑁明書閣琉璃冰酒缸畫樓多有主鸞鳳各震震

韓翃舍人即事

萱草含丹粉荷花抱綠房鳥應悲蜀帝蟬是怨齊王
通內藏珠府應官解玉坊橋南荀令過十里送衣香

公子

一盞新羅酒凌晨恐易銷歸應衝鼓半去不待笙調
歌好唯愁和香穠豈惜飄春塲鋪艾帳下馬雉媒嬌

子初全溪作

全溪不可到况復盡餘醅漢苑生春水昆池換劫灰
戰蒲知鴈唼皺月覺魚來清興恭聞命言詩未敢迴
楊本勝說於長安見小男阿采

聞君來日下見我最嬌兒漸大啼應數長貧學恐遲
寄人龍種瘦失母鳳雛癡語罷休邊角青燈兩鬢絲
無題

近知名阿侯住處小江流腰細不勝舞眉長唯是愁
黃金堪作屋何不作重樓

越鷺二首

上國社方見此鄉秋不歸爲矜皇后舞猶着羽人衣
拂水斜文亂銜花片影微盧家文杏好試近莫愁飛

其二

將泥紅蓼岸得草綠楊村命侶添新意安巢復舊痕

去應逢阿母

樂府詩東飛伯勞西飛燕黃姑阿母長相見

來莫害皇孫記

取丹山鳳今爲百鳥尊

少將

族亞齊安陸風高漢武威烟波別墅醉花月後門歸
青海聞傳箭天山報合圍一朝攜劍起土馬即如飛

桂林路中作

地暖無秋色江晴有暮暉空餘蟬嘒嘒猶向客依依
村小犬相護沙平僧獨歸欲成西北望又見鷓鴣飛

無題

照梁初有情出水舊知名裙袂芙蓉小釵葦翡翠輕

錦長書鄭重眉細恨分明莫近彈碁局中心最不平

蝶三首

初來小苑中稍與瓊闌通遠恐芳塵斷輕憂艷雪融
只知防浩露不覺逆尖風迴首雙飛燕乘時入綺櫳

其二

長眉畫了繡簾開碧玉行收白玉臺爲問翠釵釵上
鳳不知香頸爲誰迴

其三

壽陽公主嫁時粧八字官眉捧額黃見我伴羞頻照
影不知身屬冷遊郎

落花

高閣客竟去小園花亂飛參差連曲陌迢遞送斜暉
腸斷未忍掃眼穿仍欲稀芳心向春盡所得是沾衣

月

池上與橋邊難忘復可憐簾開最明夜簾卷已涼天
流處水花急吐時雲葉鮮姮娥無粉黛只是逞嬋娟
贈宗魯印竹杖

大夏資輕策全溪贈所思靜憐穿樹遠滑想過苔遲
鶴怨朝還望僧閒暮有期風流真底事常欲傍清羸

垂柳

娉婷小苑中婀娜曲池東朝佩皆垂地仙衣盡帶風
七賢寧占竹三品且饒松腸斷靈和殿先皇玉座空
李花

李逕獨來數愁情相與懸自明無月夜強笑欲風天
減粉與園籜分香沾渚連徐妃久已嫁猶自玉爲鈿

壬申七夕

已駕七香車心心待曉霞風輕唯響佩日薄不嫣花
桂嫩傳香遠榆高送影斜成都過卜肆曾如識靈槎

雨

撼撼度瓜園依依傍竹軒秋池不自冷風葉共成喧

窓迴有時見簷高相續翻侵宵送書雁應爲稻梁思

菊

暗暗淡淡紫融融冶冶黃陶令籬邊色羅含宅裏香
幾時禁重露定是怯殘陽願泛金鸚鵡昇君白玉堂

北樓

春物豈相干人生只強歡花猶曾斂夕酒竟不知寒
異域東風濕中華上象寬此樓堪北望輕命倚危欄

擬沈下賢

千二百輕鸞春衫瘦着寬倚風行稍急含雪語應寒
帶火遺金斗兼珠碎玉盤河陽看花過曾不問潘安

蝶

飛來繡戶陰穿過畫樓深重傳秦臺粉輕塗漢殿金
相兼唯柳絮所得是花心可要凌孤客邊爲子夜吟

牡丹

壓逕復緣溝當窓又映樓終銷一國破不啻萬金求
鸞鳳戲三島神仙居十洲應憐萱草淡却得號忘憂

曉坐

一云後閣

後閣罷朝眠前堦思黯然梅應未假雪柳自不勝烟
淚續淺深綆腸危高下絃紅顏無定所得失在當年
十一月中旬至扶風界見梅花

匝路亭亭艷非時裊裊香素娥唯與月青女不饒霜
贈遠虛盈手傷離適斷腸爲誰成早秀不待作年芳

判春

一桃復一李井上占年芳笑處如臨鏡窺時不隱墻
敢言西子短誰覺宓妃長珠玉終相類同名作夜光

荷花

都無色可並不柰此香何瑤席乘涼設金羈落晚過
迴衾燈照綺渡襪水沾羅預想前秋別離居夢襪歌

曉起

擬盃當曉起呵鏡可微寒隔箔山櫻熟褰帷桂燭殘

書長爲報晚夢好更尋難影響輸雙蝶偏過舊畹蘭
清河

舟小迴仍數樓危凭亦頻驚來從及社蝶舞太侵晨
絳雪除煩後霜梅取味新年華無一事只是自傷春
壽安公主出降

媯水聞真媛常山索銳師昔憂迷帝力今分送王姬
事等和強虜恩殊睦本枝四郊多壘在此禮恐無時
明禪師院酬從兄見寄

貞吝嫌茲世會心馳本源人非四禪縛地絕一塵喧
霜露歎高木星河墮故園斯游儻爲勝九折幸迴軒

寄裴衡

別地蕭條極如何更獨來秋應爲紅葉雨不厭青苔
沈約只能瘦潘仁豈是才離情堪底寄惟有冷於灰

即日

小苑試春衣高樓倚暮暉天桃唯是笑舞蝶不空飛
赤嶺久無耗鴻門猶合圍幾家綠錦字含淚坐鴛機
淮陽路

荒村倚廢營投宿旅魂驚斷雁高仍急寒溪曉更清
昔年嘗聚盜此日頗分兵猜貳誰先致三朝事始平

晚晴

深居俯夾城春去夏猶清天意憐幽草人間重晚晴
併添高閣迴微注小窓明越鳥巢乾後歸飛體更輕
迎寄韓魯州詹同年

積雨晚騷騷相思正鬱陶不知人萬里時有鷺雙高
寇盜纏三輔時興元賊起三川兵出梅苔滑百牢聖朝推衛霍

歸日動仙曹

風

迥拂來鴻急斜催別鷺高已寒休慘淡更遠尚呼號
楚色分西塞夷音接下牢歸舟天外有一爲戒波濤

洞庭魚

洞庭魚可拾不假更垂罾閨若雨前蟻多於秋後蠅
豈思鱗作簞仍計腹爲燈浩蕩天池路翺翔欲化鵬

喜舍弟義叟及第上禮部魏公

國以斯文重公仍內署來風標森太華星象逼中台
朝滿遷鸞侶門多吐鳳才寧同魯司寇唯鑄一顏回
哀箏

延頸全同鶴柔腸素怯猿湘波無限淚蜀魄有餘冤
輕憶長無道哀箏不出門何由問香炷翠幕自黃昏

自南山北歸經分水嶺

水急愁無地山深故有雲那通極目望又作斷腸分

鄭驛來雖及燕臺哭不聞猶餘遺意在許刻鎮南勳
深樹見一顆櫻桃尚在

高桃留晚實尋得小庭南矮墮綠雲髻歎危紅玉簪
惜堪充鳳實痛已被鶯含越鳥誇香荔齊名亦未甘
小桃園

竟日小桃園休寒亦未暄坐鸞當酒重送客出牆繁
啼久艷粉薄舞多香雪翻猶憐未圓月先出照黃昏
和張秀才落花有感

晴暖感餘芳紅苞雜絳房落時猶自舞掃後更聞香
夢罷收羅薦仙歸勅玉箱迴腸九迴後猶有剝迴腸

昭肅皇帝挽歌辭三首

九縣懷雄武三靈仰睿文周王傳叔父漢后重神君
玉律朝驚露金莖夜切雲笳簫淒欲斷無復詠橫汾

其二

玉塞驚霄析金橋罷舉烽始巢阿閣鳳旋駕鼎湖龍
門咽通神鼓樓疑警夜鐘小臣觀吉從猶設欲東封

其三

莫驗昭華館虛傳甲帳神海迷求藥使雪隔獻桃人
桂寢青雲斷松扉白露新萬方同象鳥舉動滿秋塵
齊梁晴雲

緩逐烟波起如如柳絲飄故臨飛閣度欲入迥陂銷
縈歌憐畫扇敞景弄柔條更耐天南位牛渚宿殘宵
効徐陵體贈更衣

密帳真珠絡温幃翡翠裝楚腰知便寵官眉正闢強
結帶懸旄子繡領刺鴛鴦輕寒衣省夜金斗熨沉香

又效江南曲

郎船安兩槳儂舸動雙橈掃黛開宮額裁裙約楚腰
乖期方積思臨醉欲拌嬌莫以採菱唱欲羨秦臺簫

所居

窓下尋書細溪邊坐石平水風醒酒病霜日曝衣輕

雞黍隨人設蒲魚得地生前賢無不謂容易即遺名

高松

高松出衆木伴我向天涯客散初晴後僧來不語時
有風傳雅韻無雪試幽姿上藥終相待他年訪伏龜

訪秋

酒薄吹還醒樓危望已窮江臯當落日帆席見歸風
烟帶龍潭白霞分鳥道紅殷勤報秋意只是有丹楓

昭郡

桂木春猶早昭川日正西虎當官路關猿上驛樓啼
繩爛金沙井松乾乳洞梯鄉音吁可駭仍有醉如泥

哭劉司戶黃

路有論冤謫言皆在中興空聞遷賈誼不待相孫弘
江闊唯迴首天高但撫膺去年相送地春雪滿黃陵

裴明府居止

愛君茅屋下向晚水溶溶試墨書新竹張琴和古松
坐來聞好鳥歸去度踈鍾明日還相見橋南貫酒醲

陸發荆南始至商洛

昔去真無柰今還豈自知青辭木奴橘紫見地仙芝
四海秋風闊千巖暮景遲向來憂際會猶有五湖期

陳後宮

玄武闕新苑龍舟燕幸頻渚蓮叅法駕沙鳥犯鈎陳
壽獻金莖露歌翻玉樹塵夜來江令醉別詔宿臨春

樂遊

春夢亂不記春原登已重青門弄煙柳紫閣舞雲松
拂硯輕冰散開樽綠酒濃無悰託詩遣吟罷更無悰

贈子直花下

池光忽隱墻花氣亂侵房屏綠蝶留粉窻油蜂印黃
官書推小吏侍史從清郎並馬更吟去尋思有底忙

小園獨酌

柳帶誰能結花房未肯開空餘雙蝶舞竟絕一人來

半展龍鬚席輕斟馬惱杯年年春不定虛信歲前梅
思歸

固有樓堪倚能無酒可傾嶺雲春沮洳江月夜晴明
魚亂書何託猿哀夢易驚舊居連上苑時節正遷鶯
獻寄舊府開封公

幕府三年遠春秋一字褒書論秦逐客賦續楚離騷
地理南溟闊天文北極高酬恩撫身世未覺勝鴻毛
向晚

當風橫去憶臨水卷空帷北去鞦韆罷南朝袂襖歸
花情羞脉脉柳意恨微微莫歎佳期晚佳期自古稀

春游

橋峻班駝疾川長白鳥高烟輕唯潤柳風濫欲吹桃
徙倚三層閣摩挲七寶刀庾郎年最少青草妬春袍

離席

出宿金樽掩從公玉帳新依依向餘照遠遠隔芳塵
細草翻驚鴈殘花伴醉人楊朱不用勸只是更沾巾

俳諧

短顧何由遂遲光且莫驚鷲能歌子夜蝶解舞宮城
柳訝眉傷淺桃猜粉太輕年華有情狀吾敢恡生平

細雨

蕭灑傍迴汀依微過短亭氣涼先動竹點細未開萍
稍促高高鶯微踈的的螢故園烟草色仍近五門青

商於新開路

六百商於路崎嶇古共聞蜂房春欲暮虎穿日初曛
路向泉間辨人從樹杪分更誰開捷徑速擬上青雲

題鄭大有隱居

結構何峯是喧閑此地分石梁高瀉月樵路細侵雲
偃卧蛟螭室希夷鳥獸群近知西嶺上玉管有時聞

君居近子晉憇鶴臺

夜飲

卜夜容衰鬢開筵屬異方燭分歌扇淚雨送酒船香
江海三年客乾坤百戰場誰能辭酪酊淹卧劇清漳

江上

萬里風來地清江北望樓雲通梁苑路月帶楚城秋
刺字從漫滅歸途尚阻脩前程更烟水吾道豈淹留

涼思

客去波平檻蟬休露滿枝永懷當此節倚立自移時
北斗兼春遠南陵寓使遲天涯占夢數疑誤有新知

鸞鳳

舊鏡鸞何處衰桐鳳不棲金錢饒孔雀錦段落山雞

王子調清管。天人降紫泥。豈無雲露分。相望不應迷。
因書

絕徼南通棧。孤城北枕江。猿聲連月檻。鳥影落天窓。
海石分碁子。郛筒當酒缸。生歸話辛苦。別夜對凝缸。
奉寄安國大師兼簡子蒙

憶奉蓮花坐。兼聞貝葉經。巖光分蠟屐。澗響入銅鉶。
日下徒推鶴。天涯正對螢。魚山羨曹植。眷屬有文星。
閑遊

危亭題竹粉。曲沼嗅荷花。數日同攜酒。平明不在家。
尋幽殊未極。得句總堪誇。強下西樓去。西樓倚暮霞。

題李上暮壁

舊著思玄賦。新編雜擬詩。江庭猶近別。山舍得幽期。
嫩割周顛韭。肥烹鮑照葵。飽聞南燭酒。仍及撥醅時。
江村題壁

沙岸竹森森。維舟聽越禽。數家同老壽。一逕自陰深。
喜客嘗留橘。應官說採金。傾壺真得地。愛日靜霜砧。

即日

桂林聞舊說。曾不異炎方。
宋考功有小山響匡床語
長安之句也

花飄度臘香。幾時逢雁足。着處斷猿腸。獨撫青青桂。
臨城憶雪霜

秋日晚思

桐槿日零落雨餘方寂寥枕寒莊蝶去窓冷胤螢銷
取適琴將酒忘名牧與樵平生有游舊一一在烟霄

春宵自遣

地勝遺塵事身閑念歲華晚晴風過竹深夜月當花
石亂知泉咽苔荒任徑斜陶然恃琴酒忘却在山家

七夕偶題

寶婺瑤珠珮嫦娥照玉輪靈歸天上足巧遺人間人
花果香千戶笙竽溢四鄰明朝曬犢鼻方信阮郎貧

幽居冬暮

羽翼摧殘日郊園寂寞時曉雞驚樹雪寒鷺守冰池
急景倏云暮頽年窳已衰如何匡國分不與夙心期

過姚孝子廬偶書

拱木臨周道荒廬積古苔魚因感妾出鶴爲吊陶來
兩鬢逢常亂雙眸血不開聖朝敦爾類非獨路人哀

寒食行次冷泉驛

歸途仍近節旅宿倍思家獨夜三更月空庭一樹花
介山當驛秀汾水遶關斜自怯春寒苦那堪禁火賒

寄華嶽孫逸人

靈嶽幾千仞老松逾百尋攀崖仍躡壁嗽葉復眠陰

海上呼三島齋中戲五禽唯應逢阮籍長嘯作鸞音
撰彭陽公誌文畢有感

延陵雷表墓峴首送沉碑敢伐不加點猶當無媿辭
百生終莫報九死諒難追待得生全後川原亦幾移

北青蘿

殘陽西入崦茅屋訪孤僧落葉人何在寒雲路幾層
獨敲初夜磬閑倚一枝藤世界微塵裏吾寧愛與憎

幽人

丹竈三年火蒼崖萬歲藤
樵歸說逢虎碁罷正留僧
星斗同秦分人烟接漢陵
東流清渭苦不盡照衰興

過故崔兗海宅與崔明秀才話舊因寄舊僚杜

趙李三掾

絳帳思如昨烏衣事莫尋
諸生空會奕舊掾已華簪
共入留賓驛俱分市駿金
莫憑無鬼論終負託孤心
故番禹侯以賊罪致不辜
事覺他日過其門
飲鳩非君命茲身亦厚亡
江陵從種橘文廣合投香
不見千金子空餘數仞墻
殺人須顯戮誰舉漢三章

詠雲

捧月三更斷藏星七夕明
纔聞飄迥路旋見隔重城
潭暮隨龍起河秋壓雁聲
只因唯宋玉知是楚神名

夜出西溪

東府憂春盡西溪許日曛月澄新漲水星見欲銷雲
柳好休傷別松高莫出群軍書雖倚馬猶未當能文

九月於東逢雪

舉家忻共報秋雪墮前峯嶺外他年憶於東此日逢
粒輕還自亂花薄未成重豈是驚離鬢應來洗病容

僧院牡丹

葉薄風才倚枝輕霧不勝開先如避客色淺爲依僧
粉壁正蕩水細幃初卷燈傾城唯待笑要裂幾多繒

送豐都李尉

萬古商於地憑君泣路岐固難尋綺季可得信張儀
兩氣燕先覺葉陰蟬遽知望鄉尤忌晚山晚更參差

訪隱

路到層峯斷門依老樹開月從平楚轉泉自上方來
薤白羅朝饌松黃暖夜杯相留笑孫綽空解賦天台

寓興

薄宦仍多病從知竟遠游談諧叨客禮休澣接冥搜
樹好頻移榻雲竒不下樓豈關無景物自是有鄉愁

歸來

舊隱無何別歸來始更悲難尋白道士不見惠禪師



草迳蟲鳴急沙渠水下遲却將波浪眼清曉對紅梨
子直晉昌李花

吳館何時慰秦臺幾夜薰綃輕誰解卷香異自先聞
月裏誰無姊雲中亦有君樽前見飄蕩愁極客襟分
河清與趙氏昆季讌集得擬杜工部

勝槩殊江右佳名逼渭川虹收青嶂雨鳥沒夕陽天
客鬢行如此滄波坐眇然此中真得地漂蕩釣魚船

寓目

園桂懸心碧池蓮飲眼紅此生真遠客幾別即衰翁
小幌風烟入高窓霧雨通新知他日好錦瑟傍朱櫳

登霍山驛樓

廟列前峯迥樓開四望窮嶺巖嵐色外陂雁夕陽中
弱柳千條露衰荷一向風壺闕有狂孽速繼老生功
寄和水部馬郎中題興德驛時昭義已平

仙郎倦去心鄭驛蹙登臨水色瀟湘闊沙程朔漠深
鷁舟時往復鷗鳥恣浮沉更想逢歸馬悠悠岳樹陰
思賢頓

內殿張絃管中原絕鼓鼙舞成青海馬闐殺汝南雞
不見華胥夢空聞下蔡迷宸襟他日淚薄暮望賢西
有懷在蒙飛卿

薄宦頻移疾當年久索居哀同庾開府瘦極沈尚書
城綠新陰遠江清返照虛所思惟翰墨從古待雙魚

春深脫衣

睥睨江鴉集堂隍海燕過減衣憐蕙若展鄣動烟波
日烈憂花甚風長奈柳何陳遵容易學身世醉時多

懷求古翁

何時粉署仙傲兀逐戎旃關塞猶傳箭江湖莫繫船
欲收棊子醉竟把釣車眠謝眺真堪憶多才不忘前
五月六日夜憶往歲秋與澈師同宿

紫閣相逢處丹巖議宿時墮蟬翻敗葉棲鳥定寒枝

萬里飄流遠三年問訊遲炎方憶初地頻夢碧琉璃

城上

有客虛投筆無寥獨上城沙禽失侶遠江樹着陰輕
邊遠稽天討軍須竭地征賈生游刃極作賦又論兵

如有

如有瑤臺客相難復索歸芭蕉開綠扇菡萏薦紅衣
浦外傳光遠烟中結響微良宵一寸艷回首是重幃

朱槿花二首

蓮後紅何患梅先白莫誇纔飛建章火又落赤城霞
不卷錦步鄣未登油壁車日西相對罷休澣向天涯

其二

西北朝天路登臨思上才城閑煙草遍村暗雨雲回
人豈無端別猿應有意水征南子更遠吟斷望鄉臺

晉昌晚歸馬上贈

勇多侵路去恨有礙燈還喚自微微白看成沓沓殷
坐忘疑物外歸去有簾間君問傷春句千辭不可刪

清夜怨

含淚坐春宵聞君欲度遼綠池荷葉嫩紅砌杏花嬌
曙月當窓滿征雲出塞遙畫樓終日閉清管爲誰調
唐李義山詩集卷之三

唐李義山詩集卷之四

太學博士李商隱 義山

五言律詩

贈送前劉五經映三十四韻

建國宜師古典邦屬上庠從來以儒戲安得振朝綱
叔世何多難茲基遂已亡泣麟猶委吏歌鳳更佯狂
屋壁餘無幾焚坑逮可傷挾書秦二世壞宅漢諸王
草草臨盟誓區區務富強微茫金馬署狼籍闖雞場
盡欲心無竅皆如面正墻驚疑豹文鼠貪竊虎皮羊
南渡宜終否西遷冀小康策非方正士貢絕孝廉郎

海鳥悲鐘鼓徂公長服裳多岐空擾擾幽室竟悵悵
凝邈爲時範虛空作士常何由羞五霸直自誓三皇
別派驅楊墨他鑣並老莊詩書資破冢法制困探囊
周禮仍存魯隋師果禪唐鼎新麾一舉革故法三章
星宿森文雅風雷起退藏縲囚爲學切掌固受經忙
夫子時之彥先生跡未荒褐衣終不召白首興難忘
感激誅非聖棲遲到異糧片辭褒有德一字貶無良
燕地尊鄒衍西河重卜商式間真道在擁篲信謙光
外舅太原公亦受經於公也獲預青衿列叨來絳帳旁雖從各言
志還要大爲防勿謂孤寒棄深憂許直妨叔孫讒易

得盜跖暴難當雁下秦雲黑蟬休隴葉黃莫踰力履
念容許後昇堂

哭遂州蕭侍郎二十四韻

遙作時多難先令禍有源初驚逐客議旋駭黨人寬
密侍榮方入司刑望愈尊皆因優詔用實有諫書存
苦霧三辰沒窮陰四塞昏虎威狐更假隼擊鳥踰喧
徒欲心存闕終遭耳屬垣遺音和蜀鬼易箒對巴猿
有女悲初寡無男泣過門公止裴氏一女結褵之明年又喪良人朝爭
屈原草廟餒莫敖竟迴閣傷神峻長江極望翻青雲
寧寄意白骨始霑恩早歲思東閣爲邦屬故園余初謁於

鄭舍登舟慚郭泰解榻愧陳蕃分以忘年契情猶錫類
敦公先真帝子我系本王孫嘯傲張高蓋從容接短
轅秋吟小山桂春醉後堂萱自歎離通籍何嘗忘叫
闈不成穿壙入終擬上書論多士還魚貫云誰正駿
奔暫能誅倏忽長與問乾坤蟻漏三泉路蟹啼百草
根始知同泰講徵福是虛言

送千牛李將軍赴闕五十韻

照席瓊枝秀當年紫綬榮班資古直閣勳伐舊西京
在昔王綱紊因誰國步清如無一戰霸安有大橫庚
內豎依憑切凶門責望輕中台終惡直上將更要盟

丹陛祥烟滅皇闈煞氣橫喧闐衆狙怒容易八蠻驚
檣杙寬之久防風戩不行素來矜異類此去豈親征
捨魯真非策居邠未有名曾無力牧御寧待雨師迎
火箭侵乘石雲橋逼禁營何時絕刀斗不夜見攬槍
屢亦聞投鼠誰其敢射鯨世情休念亂物議笑輕生
大鹵思龍躍蒼梧失象耕靈衣沾媿汗儀馬困陰兵
別館蘭薰酷深宮蠟焰明黃山遮舞態黑水斷歌聲
縱未移周鼎何辭免趙坑空拳轉闢地數板不沉城
且欲憑神筭無因計力爭幽囚蘇武節弃市仲由纓
下殿言終驗增埤事早萌

先時桑道茂請脩奉天城

蒸雞殊減膳

屑翹異和羨否極時還泰屯餘運果亨流離幾南度
倉卒得西平神鬼收昏黑姦兇首夫滿盈官非督護
貴師以丈人貞覆載還高下寒暄急改更馬前烹莽
卓壇上挹韓彭扈蹕三才正迴軍六合晴此時唯短
劍仍世盡雙旌顧我由群從逢君嘆老成慶流歸嫡
長貽厥在名卿準擊須當要鵬搏莫問程趨朝排玉
座出位泣金莖幸藉梁園賦叨蒙許氏評中郎推貴
壻定遠重時英政已標三尚人今佇一鳴長刀懸月
魄快馬駭星精披豁慙深眷睽離動素誠蕙留春腕
晚松待歲崢嶸異縣期迴雁登時已飢鯖去程風刺

刺別夜漏丁丁庾信生多感楊朱死有情絃危中婦
瑟甲冷想夫寧會與秦樓鳳俱聽漢苑鶯洛川迷曲
沼烟月兩心傾

詠懷寄秘閣舊僚二十六韻

年鬢日堪悲衡茅益自嗤攻文枯若木處世鈍如鎚
敢望垂堂誠寧將暗室欺懸頭曾苦學折臂及成醫
僕御嫌夫懦孩童笑叔癡小男方嗜菓幼女漫憂葵
遇多誰先噉逢壘即便吹官銜同畫餅面貌乏凝脂
典籍將蠶測文章若管窺圖形翻類狗入夢肯非羆
自晒成書簾終當呪酒卮慷慨霑襟上血羞鑷鏡中絲

橐籥言方喻樗蒲齒詎知事神徒惕慮佞佛愧虛辭
曲藝垂麟角浮名狀虎皮乘軒寧見寵巢幕更逢危
禮俗拘嵇喜侯王忻戴逵途窮方結舌靜勝但措順
糲食空彈劍亨衢詎置錫栢臺成口號芸閣暫肩隨
悔逐遷習伴誰觀捫虱時瓮間眠太率床下隱何卑
奮跡登弘閣催心對董帷校讐如有暇松竹一相思
四年冬以退居蒲之永樂渴然有農夫望歲之
志遂作憶雪又作殘雪詩各一百言以寄情

于游舊

憶雪

愛景人方樂同雲候稍憊徒聞周雅什願賦朔風篇
欲俟千箱慶湏資六出妍詠留飛絮後歌唱落梅前
庭樹思瓊蕊粧樓認粉絲瑞邀盈尺日豐待兩岐年
預約延枚酒虛乘訪戴船映書孤志業披氅阻神仙
幾向霜階步頻將月幌塞玉京應已足白屋但顯然

殘雪

旭日開晴色寒空失素塵連墻全剝粉傍井漸銷銀
刻獸摧鹽虎爲山倒玉人珠還猶照魏壁碎尚留秦
落日驚侵晝餘光悞惜春簷水滴鷓管屋瓦鏤魚鱗
嶺霽嵐光坼松暄翠粒新擁林愁拂盡着砌恐行頻

焦寢忻無患梁園去有因莫能知帝力空此荷平均
太鹵平後移家到永樂縣居書懷十韻寄劉韋
二前輩二公嘗於此縣寄居

驅馬遶河干家山照露寒依然五柳在况值百花殘
昔去驚投筆今來分挂冠不憂懸磬乏乍喜覆盂安
甌破寧迴顧舟沉豈暇看脫身離虎口移疾就猪肝
鬢入新年白顏無舊日丹自悲秋穫少誰懼夏畦難
逸志忘鴻鵠清香披蕙蘭還持一盃酒坐想二公懽

自桂林奉使江陵途中感懷寄獻尚書

下客依蓮幕明公念竹林

公與江陵相國詔叔姪

縱然膺使命

何以奉徽音投刺雖傷晚酬恩豈在今迎來新瑣闥
從到碧瑤岑水勢初知海天文始識參固慙非賈誼
唯恐後陳琳前席驚虛辱華樽許細斟尚憐秦痔苦
不遣楚醪沉既載從戎筆仍披選勝襟瀧通伏波柱
簾對有虞琴宅與嚴城接門藏別岫深閣涼松冉冉
堂靜桂森森社內容周續鄉中保展禽白衣居士訪
烏帽逸人尋佞佛將成傳耽書或類淫長懷五穀贖
終著九州箴良訊封鷺綺餘光借玳簪張衡愁浩浩
沈約瘦悁悁蘆白疑粘鬢楓丹欲照心歸期無雁報
旅抱有猿侵短日安能駐低雲只有陰亂鴉衝晒網

寒女簇遙碓東道違寧久西園望不禁江生魂黯黯
泉客淚泫泫逸翰應藏法高辭肯浪吟數須傳度翼
莫獨與盧諶假寐憑書篋哀吟扣劍鐔未嘗貪偃息
那復議登臨彼美廻清鏡其誰受曲針人皆向燕路
無乃費黃金

送從翁從東川弘農尚書幕

大鎮初更帥嘉賓素見邀使車無遠近歸路更烟霄
穩放驂騑步高安翡翠巢御風知有在去國肯無聊
早忝諸孫末俱從小隱招心懸紫雲閣夢斷赤城標
素女悲清瑟秦娥弄碧簫山連玄圃近水接絳河遙

豈意聞周鐸翻然慕舜韶背辭喬木去遠逐斷蓬飄
薄俗誰其激斯民已甚恍鸞皇期一舉燕雀不相饒
敢共頽波遠因之內火燒是非過別夢時節慘驚颯
未至誰能賦中乾欲病消屢曾紆錦繡勉欲報瓊瑤
我恐霜侵鬢君先綬挂腰甘心與陳阮揮手謝松喬
錦里差隣接雲臺閉寂寥一川虛月魄萬壑自芝苗
瘴雨瀧間急離魂峽外銷非關無燭夜其奈落花朝
幾處逢鳴珮何筵不翠翹蠻僮騎象舞江市賣蛟綃
南詔知非敵西山亦屢驕勿貪佳麗地不爲聖明朝
少減東城飲時看北斗杓莫因乖別久遂逐歲寒凋

盛幕開高宴將軍問故寮爲言公玉季早日棄漁樵

今月二日不自量度輒以詩一首四十韻干瀆

尊嚴伏蒙仁恩俯賜披覽獎踰其實情溢於

辭顧惟踈蕪曷用酬戴輒復五言四十韻詩

一章獻上亦詩人詠嘆不足之義也

家擅無雙譽朝居第一功四時當首夏八節應條風

滌濯臨清濟巖倚碧嵩鮑壺冰皎潔王佩玉丁東

擊虞次錄要注云漢末絕無玉佩侍中王粲處劇張

識舊佩始復作之今玉佩受法於繁也故云京兆通經戴侍中將星臨迥夜卿月麗層宮下令銷

秦盜高談破宋聾含霜太山竹拂霧嶧陽桐樂道乾

知退當官蹇匪躬服箱青海馬入兆渭川熊固是符

真宰徒勞讓化工鳳池春漱灑雞樹曉瞳朧願守三

章約期嘗九譯通薰琴調大舜寶瑟和神農慷慨資

元老周旋值狡童仲尼羞問陣魏絳喜和戎欸欸將

除蠹孜孜欲達聰所求因渭濁安肯與雷同物議將

調鼎君恩忽賜弓開吳相上下全蜀占西東銳卒魚

懸餌豪胥鳥在籠疲民呼杜母隣國仰羊公置驛推

東道安禪合北宗嘉賓增重價上士悞直空扇舉遶

王導樽開見孔融烟飛愁舞罷塵定惜歌終岸柳兼

池綠園花映燭紅未曾周顛醉轉覺季心恭繫滯喧

人望便蕃屬聖衷。天書何日降庭燎。幾時烘早歲。乖
投刺。今晨幸發蒙。遠塗哀跛。斃薄藝。獎雕虫。故事曾
尊隗。前脩有薦雄。終須煩刻畫。聊擬更磨礪。蠻嶺晴
留雪。巴江晚帶楓。營巢憐越燕。裂帛待燕鴻。自苦誠
先蘗。長飄不後蓬。容華雖少健。思緒即悲翁。感激淮
山館。優游碣石宮。待公三人相。丕祚始無窮。

五言述德杼情詩一首四十韻獻上杜七兄僕

射相公

帝作黃金闕。倦開白玉京。有人扶太極。維岳降元精。
取賈官勲大。荀陳地望清。旂常懸祖德。甲令著嘉聲。

經出宣尼壁。書留晏子楹。武鄉傳陣法。踐土主文盟。
自昔流王澤。由來伏國禎。九河分合沓。一柱忽崢嶸。
得主勞三顧。驚人肯再鳴。碧虛天共轉。黃道日同行。
後飲曹叅酒。先和傅說羹。即時賢路闢。此夜太階平。
願保無疆福。將圖不朽名。率身期濟世。叩額慮興兵。
感念峭屍露。咨嗟趙卒坑。儻今安隱忍。何以贊貞明。
惡草雖當路。寒松實挺生。人言真可畏。公意本無爭。
故事留臺閣。前驅且旆旌。芙蓉王儉府。楊柳亞夫營。
清嘯頻踈俗。高談屢析醒。過庭多令子。乞墅有名甥。
南詔應聞命。西山莫敢驚。寄辭收的博。端坐掃攬槍。

雅宴初無倦長歌底有情檻危春水暖樓迥雪峯晴
移席牽縑蔓迴橈撲絳英誰知杜武庫只見謝宣城
有客趨高義于今滯下卿登門慙後至置驛恐虛迎
自是依劉表安能比老彭雕龍心已切畫虎意何成
豈省曾黔突徒勞不倚衡乘時乖巧宦占象合艱貞
廢忘淹中學遲迴谷口耕悼傷潘岳重樹立馬遷輕
隴鳥悲丹紫湘蘭怨紫莖歸期過舊歲旅夢繞殘更
弱植叨華族哀門倚外兄欲陳勞者曲未唱淚先橫

夜思

銀箭耿寒漏金缸凝夜光綵鸞空自舞別燕不相將

寄恨一尺素含情雙玉璫會前猶月在去後始宵長
往事經春物前期託報章永令虛絜枕長不掩蘭房
覺動迎猜影疑來浪認香鶴應聞露警蜂亦爲花忙
古有陽臺夢今多下蔡倡何爲薄冰雪消瘦滯非鄉

寓懷

綵鸞食顙氣威鳳食卿雲長養三清境追隨五帝君
烟波遺汲汲增繳任云云下界圍黃道前程合紫氛
金書唯是見玉管不勝聞草爲迴生種香綠却死薰
海明三島見天迥九江分峩樹無勞援神禾豈用耘
聞龍風結陣惱鶴露成文漢殿霜何早秦宮日易曛

星機拋密緒月杵散靈芬陽鳥西南下相思不及群

木蘭

二月二十二木蘭開折初初當新病酒復自久離居
愁絕更傾國驚新聞遠書紫絲何日鄣油壁幾時車
弄粉知傷重調紅或有餘波痕空映襪烟態不勝裾
桂嶺含芳遠蓮塘屬意踈瑤姬與神女長短定何如

細雨成詠獻尚書河東公

灑砌聽來響卷簾看已迷江間風斲定雲外日應西
稍稍落蝶粉斑斑融燕泥颭萍初過沼重柳更綠堤
必擬和殘漏寧無晦暝鼙半將花漠漠全共草萋萋

猿別方長嘯鳥驚始獨棲府公能入詠聊且續新題

病中聞河東公樂營置酒口占寄上

聞駐行春旆中途賞物華綠憂武昌柳遂憶洛陽花
稽鶴元無對荀龍不在誇只將滄海月長壓赤城霞

興欲傾燕館歡終到習家風長應側帽獨孤景公信

風吹帽傾路隘豈容車相達俠路間樓迥波窺錦窓

虛日弄沙鑠門金了鳥展障玉鴉又舞妙從兼楚歌

能莫雜巴必投潘岳果誰搽灑處士擊鼓能

刻燭當時忝傳杯此夕賒可憐漳浦臥愁緒獨如麻

擬意

悵望逢張女遲迴送阿侯空看小垂手忍問大刀頭
妙選茱萸帳平居翡翠樓雲屏不取暖月扇未障羞
上掌真何有傾城豈自由楚妃交薦枕漢后共藏鬪
夫向羊車覓男從鳳穴求書成後楔帖唱殺畔牢愁
夜杵鳴江練春刀解石槌象牀穿幪網犀帖釘窓油
仁壽遺明鏡陳倉拂綵毬真防舞如意佯蓋臥筵篔
濯錦桃花水濺裙杜若洲魚兒懸寶劍燕子合金甌
銀箭摧搖落華筵慘去留幾時銷薄怒從此抱離憂
帆落啼猿峽樽開畫鷁舟急絃腸對斷剪蠟淚爭流
壁馬誰能帶金虫不復收銀河撲醉眼珠串咽歌喉

去夢隨川后來風貯石郵蘭叢銜露重榆莢點星稠
解佩無遺跡凌波有舊遊曾來十九首私識詠牽牛

謝往桂林至彤庭竊詠

辰象森羅正鈎陳翊衛寬魚龍排百戲劍珮儼千官
城禁將開晚宮深欲曙難月輪移仙路下欄干
共賀高禔應將陳壽酒歡金星壓芒角銀漢轉波瀾
王母來空闊羲和上屈盤鳳凰傳詔旨獬豸冠朝端
造化中台座威風大將壇甘泉猶望幸早晚冠呼韓

送從翁東川弘農尚書幕

昔帝迴冲眷維皇惻上仁三靈迷赤氣萬彙叫蒼旻

刊木方隆禹陞阨始創殷夏臺曾圯閉汜水敢逡巡
拯溺休規步防虞要徙薪蒸藜今得請宇宙昨還淳
績祖功宜急貽孫計甚勤降災雖代有稔惡不無因
宮掖方爲蠱邊隅忽遣迤獻書秦逐客間諜漢名臣
北伐將誰使南征決此辰中原重板蕩玄象失鈎陳
詰且違清道銜枚別紫宸茲行殊厭勝故老遂分新
去異封於鞏來寧避處幽永嘉幾失墜宣政遽酸辛
元子當傳啓皇孫合授詢時非三指讓表請再陶鈞
舊好盟還在中樞策屢遵蒼黃傳國璽違遠屬車塵
鷓鴣如憑怒鰲龍性漫馴封崇自何等流落乃斯民

逗撓官軍亂優容敗將頻早朝披草莽夜繼達絲綸
忘戰追無及長驅氣益振婦言終未易廟略况非神
日馭難淹蜀星旄要定秦人心誠未去天道亦無親
錦水滿雲浪黃山掃地春斯文虛夢鳥吾道欲悲麟
斷續殊鄉淚存亡滿席珍覓銷季羔竇衣化子張紳
建議庸何所通班昔濫臻浮生見開泰獨得詠汀蘋

哭虔州楊侍郎

真卿

漢網踈仍漏齊民困未蘇如何大丞相翻作弛刑徒
中憲方外易史記云商鞅多左建外易尹京終就拘本矜能弭謗
先議取非辜巧有疑脂密功無一柱扶深知獄吏貴

幾迫季冬誅呌帝青天闊辭家白日晡流亡誠不弔
神理若爲誣在昔恩知忝諸生禮秩殊入韓非劍客
過趙受鉗奴楚水招蒐遠却山卜宅孤甘心親埵蟻
旋踵戮城狐是冬舒李伏易陰隲今如此天災未可無莫憑
牲玉請便望救焦枯

寄太原盧司空三十韻

隋艦臨淮甸唐旗出井陘斷螯楮四柱卓馬濟三靈
祖業隆盤古孫謀復大庭從來師傑俊可以煥丹青
舊族開東岳雄圖奮北溟邪同獬豸觸樂伴鳳凰聽
酣戰仍揮日降妖亦闔靈將軍功不伐叔舅德惟馨

雞塞誰生事狼烟不暫停擬填滄海鳥敢竟太陽營

內草纔傳詔前茅已勒銘那勞出師表盡入大荒經

德水縈長帶陰山綠畫屏只憂非繫肯未覺有膺腥

保佐資冲漠扶持在杳冥乃心防暗室華髮稱明廷

按甲神初靜揮戈思欲醒羲之當妙選小弟羲叟早蒙眷以嘉姻

孝若近歸寧三十五丈名府高科來歸膝下月色來侵幌詩成有轉

樞羅含黃菊宅柳暉白蘋汀神物龜酬孔僊才鶴姓

丁西山童子藥南極老人星自頃徒窺管于今愧挈

瓶何由叨末席還得叩玄扃莊叟虛悲雁終童漫識

懸幕中雖策畫劔外且伶俜侯侯行忘上鰓鰓臥不

瞋身應瘠於魯淚欲溢為榮禹貢思金鼎堯圖憶土
鉏公乎來入相王欲駕云亭

垂柳

垂柳碧鬢茸樓昏雨帶容思量成夜夢未久發春慵
梳洗憑張敞乘騎笑稚恭碧虛隨輔笠紅燭近高春
怨目明秋水愁眉淡遠峯小欄花盡蝶靜院醉醒蛩
舊作琴臺鳳今為藥杏龍寶奩拋擲久一任景陽鐘

和孫朴韋蟾孔雀詠

此去三梁遠今來萬里携西施因網得秦客被花迷
可在青鸚鵡非關碧野雞約眉憐翠羽刮膜想金篦

瘴氣籠飛遠蠻花向坐低輕於趙皇后貴極楚懸黎
都護矜羅幕佳人炫繡袿屏風臨燭釵捍撥倚香臍
舊思牽雲葉新愁待雪泥愛堪通夢寐盡得不端倪
地錦排蒼雁簾釘鏤白犀曙霞星斗外涼月露盤西
妬好休誇舞經寒且少啼紅樓三十級穩穩上丹梯

商於

商於朝雨霽歸路有秋光背塢猿妝果投巖麝退香
建瓴真得勢橫戟豈能當割地張儀詐謀身綺季長
清渠州外月黃葉廟前霜今日看雲意依依入帝鄉

酬令狐郎中見寄

望郎臨古郡佳句灑丹青應自丘遲宅仍過柳惲汀
封來江渺渺信去雨冥冥句曲聞仙訣臨川得佛經
朝吟搢客枕夜讀湫僧瓶不見銜蘆雁空流腐草螢
土宜悲坎井天怒識雷霆象卉分疆近蛟涎浸岸腥
補羸貪紫桂負氣託青萍萬里懸離抱危於訟閣鈴

碧瓦

碧瓦銜珠樹紅輪結綺寮無雙漢殿鬢第一楚宮腰
霧唾香難盡珠啼冷易銷歌從雍門學酒是蜀城燒
柳暗將翻巷荷欹正抱橋細轆開道入金管隔隣調
夢到飛魂急書成即席遙河流衝柱一作轉海沫近

槎飄吳市鱗螭甲巴賓翡翠翹他時未知意重疊贈
嬌嬈

西溪

悵望西溪水潺湲奈爾何不驚春物少只覺夕陽多
色染妖韶柳光含窈窕羅人間從到海天上莫爲河
鳳女彈瑤瑟龍孫撼玉珂京華他夜夢好好寄雲波

玄微先生

仙翁無定數時入一壺藏夜夜桂露濕村村桃水香
醉中拋浩邇宿處起神光藥裏丹山鳳碁函白石郎
弄河移砥柱吞日倚扶桑龍竹裁輕策鮫絲熨下裳

樹栽嗤漢帝橋板笑秦皇徑欲隨關令龍沙萬里強

武侯廟古栢

蜀相階前栢龍蛇捧闕宮陰成外江畔老向惠陵東
大樹思馮異甘棠憶召公葉凋湘鷺兩枝拆海鵬風
玉壘經綸遠金刀歷數終誰將出師表一爲問昭融
謝先輩防記念拙詩甚多異日偶有此寄

曉用雲添句寒將雪命篇良辰多自感作者豈皆然
熟寢初同鶴含嘶欲並蟬題時長不展得處定應偏
南浦無窮樹西樓不住煙改成人寂寂寄與路綿綿
星勢寒垂地河聲曉上天夫君自有恨聊借此中傳

別薛巖賓

曙爽行將拂晨清坐欲凌別離真不那風物正相仍
漫水任誰照衰花淺自矜還將兩袖淚同向一窻燈
桂樹垂真隱芸香是小懲清規無以况且用玉壺冰

腸

有懷非惜恨不柰寸腸何即席迴彌久前時斷固多
熱應翻急燒冷欲徹空波隔樹淅淅雨通池點點荷
倦程山向背望國關差我故念飛書及新懽借夢過
染筠休伴淚繞雪莫追歌擬問陽臺事年深楚語訛

杏花

上國昔相值亭亭如欲言異鄉今暫賞脉脉豈無恩
援少風多力墻高月有痕爲含無限意遂對不勝繁
仙子玉京路主人金谷園幾時辭碧落誰伴過黃昏
鏡拂鉛華膩鑪藏桂燼溫終應催竹葉先擬詠桃根
莫學啼成血從教夢寄冤吳王採香逕失路入烟村

燈

皎潔終無倦煎熬亦自求花時隨酒遠雨夜背窓休
冷暗黃茅驛暄明紫桂樓錦囊名畫掩玉局敗碁收
何處無佳夢誰人不隱憂影隨簾柳轉光信筆文流
客自勝潘岳儂今定莫愁固應畱半爇迴照下幃羞

獨居有懷

麝重愁風逼羅疎畏月侵怨魂迷恐斷嬌喘細疑沉
數急芙蓉帶頻抽翡翠簪柔情終不遠遙妬已先深
浦冷鴛鴦去園空蛺蝶尋蠟花長遞淚箏柱鎮移心
覓使高雲暮迴頭灞岸陰只聞涼葉院露井近寒砧

酬別令狐補闕

惜別夏仍半迴途秋已期那脩直諫草更賦贈行詩
錦段知無報青萍肯見疑人生有通塞公等繫安危
警露鶴辭侶吸風蟬抱枝彈冠如不問又到掃門時

有感二首

乙卯年有感
丙辰年詩成

九服歸元化三靈叶睿圖如何本初輩自取屈菴誅
有甚當車泣因勞下殿趨何成奏雲物直是滅萑莆
證逮符書密辭連性命俱竟緣尊漢相不早辨胡雛
鬼錄分朝部軍烽照上都敢云堪慟哭未免怨洪鑪

其二

丹陛猶敷奏彤庭歛戰爭臨危對盧植

是晚獨召故相彭陽公入

始悔用麗萌御仗收前殿見徒刺背城蒼黃五色捧
掩遏一陽生古有清君側今非乏老成素心雖未身
此舉太無名誰瞑銜冤目寧吞欲絕聲逃聞開壽燕
不廢用咸英

崇讓宅東亭醉後汚然有作

曲岸風雷罷東亭霽日涼新秋仍酒困幽興暫江鄉
搖落真何遽交親或未亡一帆彭蠡月數雁塞門霜
俗態雖多累仙標發近狂聲名佳句在身世玉琴張
萬古山空碧無人鬢免黃驂驕憂老大鷓鴣妬芬芳
密竹沉虛籟孤蓮汨晚香如何此幽勝淹臥劇清漳

即日

地寬樓已迥人更迥於樓細意經春物傷醒屬暮愁
望賒殊易斷恨久欲難收大執真無利多情豈自由
空園兼樹廢敗港擁花流書去青楓驛鴻歸杜若洲

單棲應分定辭疾索誰憂更替林鴉恨驚頻去不休

鏡檻

鏡檻芙蓉入香臺翡翠過撥弦驚火鳳交扇拂天鷺
隱忍陽城笑喧傳郢市歌仙眉瓊作業佛髻鈿爲螺
五里無因霧三秋只見河月中供藥刺海上得綃多
玉集胡沙割犀畱聖水磨斜門穿戲蝶小閣鎖飛蛾
騎檐侵鞦韆卷車帷約憶鉞傳書兩行鴈取酒一封駝
橋迥涼風壓溝橫夕照和待烏燕太子駐馬魏東阿
想像鋪芳縵依稀解醉羅散時簾隔露臥後幕生波
梯穩從攀桂弓調任射莎豈能拋斷夢聽鼓事朝珂

聖女祠

杳藹逢仙跡蒼茫滯客途何年歸碧落此路向皇都
消息期青雀逢迎異紫姑腸迴楚國夢心斷漢宮巫
從騎裁寒竹行車蔭白榆星娥一去後月姊更來無
寡鵠迷蒼壑羈凰怨翠梧唯應碧桃下方朔是狂夫
魏侯第東北樓堂郢叔言別聊用書所見成篇
暗樓連夜閣不擬爲黃昏未必斷別淚何曾妨夢魂
疑穿花透迤漸近火溫磨海底翻無水仙家却有村
鎖香金屈戌帶酒玉崑崙羽白風交扇冰清月印盆
舊歡塵自積新歲電猶奔霞綺空留段雲峯不帶根

念君千里舸江草漏燈痕

靈仙閣晚眺寄鄆州韋評事

愚公方任谷仁者本依山共誓林泉志胡爲樽俎間
華蓮開茵菖荆玉刻孱顏爽氣臨周道嵐光出漢關
滿壺從蟻泛高閣已苔斑想就安車召寧期負笑還
潘遊全壁散郭去半舟閑定笑幽人迹鴻軒不可攀

賦得月照冰池詩

皓月方離海堅冰正滿池金波雙激射壁彩兩參差
影占徘徊處光含的皪時高低連素色上下接清規
顛兔飛難定潛魚躍未期鵲驚俱欲遶狐聽始無疑

似鏡將盈手如霜恐透肌獨憐游翫意達曉不知疲

永樂縣所居一草一木無非自我今春悉已芳

茂因書即事一章

手種悲陳事心期翫物華柳飛彭澤雪桃散武陵霞
枳嫩棲鸞葉桐香待鳳花綬藤縈弱蔓袍草展新芽
學植功雖倍成蹊跡尚賒芳年誰共翫終老邵平瓜

南潭上亭讌集以疾後至因而抒情

馬卿聊應召謝傅已登山歌發百花外樂調深竹間
鷁舟縈遠岸魚鱗啓重關鸞蝶如相引烟蘿不暇攀
佳人啓玉齒上客領朱顏肯念沉痾士俱期倒載還

搖落

搖落傷年日，羈留念遠心。
水亭吟斷續，月幌夢飛沉。
古木含風久，踈螢怯露深。
人閑始遙夜，地迥更清砧。
結愛曾傷晚，端憂復至今。
未諳滄海路，何處玉山岑。
灘激黃牛暮，雲屯白帝陰。
遙知霑酒意，不減欲分襟。

戲贈張書記

別館君孤枕，空庭我閉關。
池光不受月，野氣欲沉山。
星漢秋方會，關河夢幾還。
危絃傷遠道，明鏡惜紅顏。
古木含風久，平蕪盡日閑。
心知兩愁絕，不斷若循環。

念遠

日月淹秦甸，江湖動越吟。
蒼梧應露下，白閣自雲深。
皎皎非鸞扇，翹翹失鳳簪。
林空鄂君被，杵冷女媧砧。
北思驚沙鴈，南情屬海禽。
關山已搖落，天地共登臨。

賦得桃李無言

天桃花正發，穠李藥方繁。
應候非爭艷，成谿不在言。
靜中霞暗吐，香處雪潛翻。
得意搖風態，含情泣露痕。
芬芳光上苑，寂默委中園。
赤白徒自許，幽芳誰與論。

喜雪

朔雪自龍沙，呈祥勢可嘉。
有田皆種玉，無樹不開花。
班扇慵裁素，曹衣詎比麻。
鷺歸逸少宅，鶴滿令威家。

寂寞門扉掩依稀履跡斜人疑游麪市馬似困鹽車
洛水妃虛妬姑山客漫誇聯辭追許謝和曲本慙巴
粉署闌全隔霜臺路漸賒此時傾賀酒相望在京華

河陽詩

黃龍搖溶天上來玉樓影近中天臺龍頭瀉酒客壽
杯主人淺笑紅玫瑰梓澤東來七十里長溝複塹埋
雲子可惜秋眸一鬢光漢陵走馬黃塵起南浦老魚
腥古涎真珠密字芙蓉篇湘中寄到夢不到衰容自
去拋涼天憶得蛟絲裁小卓蛟蝶飛迴木綿薄綠繡
笙囊不見人一口紅霞夜深嚼幽蘭泣露新香死畫

圖淺縹松溪水楚絲微覺竹枝高半曲新辭寫繡紙
巴西夜市紅守宮後房點臂斑斑紅堤南渴雁自飛
久蘆花一夜吹西風曉簾串斷蜻蜒翼羅屏但有空
青色玉灣不釣三千年蓮房暗被蛟龍惜濕銀注鏡
井口平鸞釵映月寒錚錚不知桂樹在何處仙人不
下雙金莖百尺相風插重屋側近媼紅伴柔綠百勞
不識對月郎湘竹千條爲一束

